



1777

REPUBLIKA E SHQIPËRISË
BASHKIA HIMARË
KRYETARI

Nr. 2815 prot.

Himarë, më 14.06.2023

URDHËR
Nr. 131, datë 14.06.2023
PËR

“DISIPLINIMIN E PUNIMEVE TË NDËRTIMIT PËRGJATË SEZONIT
TURISTIK”

Në mbështetje dhe në zbatim të nenit 8, pika 2, nenit 9 pika 1, nënpika 1.1, shkronja “b”, nenit 23, nenit 26, nenit 28 të ligjit nr. 139/2015 “Për vetëqeverisjen vendore”, nenit 8 të ligjit nr.9774, datë 12.7.2007 “Për vlerësimin dhe administrimin e zhurmës në mjedis”, nenit 22 të ligjit nr. 10 431, datë 9.6.2011 “Për mbrojtjen e mjedisit”, ligjit nr. 8378, datë 27.7.1998 “Kodi Rrugor i Republikës së Shqipërisë”, ligjit 9010, datë 13.02.2003 “Për administrimin mjedisor të mbetjeve të ngurta”, VKM-së nr.123, datë 17.2.2011 “Për miratimin e planit kombëtar të veprimit për menaxhimin e zhurmave në mjedis”, VKM-së nr. 153, datë 7.4.2000 “Rregullorja për zbatimin e Kodit Rrugor”, Udhëzim i përbashkët nr. 7967, datë 30.5.2018 “Mbi kufizimet në qarkullimin e mjeteve të rënda për transportin rrugor të mallrave përgjatë sezonit turistik dhe festave”, VKB-së nr.55 datë 24.11.2022 “Për miratimin e planit të punës, për menaxhimin e suksesshëm të sezonit turistik 2023 dhe planit të veprimit përkatës”,

URDHËROJ:

1. Pezullimin përkohësisht të punimeve të ndërtimit, **vetëm gjatë fundjavës**, nga data 15 qershor 2023 deri më datë 31 korrik 2023.
2. Pezullimin përkohësisht të punimeve të ndërtimit përgjatë gjithë muajit gusht 2023.
3. Nga ana e sipërmarrësve dhe e mbikëqyrësve të punimeve të merren të gjitha masat për verifikimet nëse është realizuar rrethimi i kantierit në përputhje me kushtet urbane dhe nëse janë vendosur tabelat e sigurisë.
4. Nga ana e sipërmarrësve dhe e mbikëqyrësve të punimeve të merren masat për planifikimin e furnizimit me materiale ndërtimi brenda fashës orare kur do të lejohet qarkullimi i mjeteve të rënda për transportin rrugor.
5. Ngarkohet Drejtoria e Planifikimit dhe Zhvillimit të Territorit, Inspektoriati i Mbrojtjes së Territorit dhe Zyra e Policisë Bashkiake për kontrollin e zbatimit të këtij urdhëri dhe marrjen e masave administrative.

Ky urdhër hyn në fuqi menjëherë

KRYETARI I BASHKISË

Jorgo Goro

